

08. oktober 2019

UKA 2019/150

Kalaallit Nunaanni pinerluttulerinermi inatsisip allanngortinneqarnera pillugu siunnersuummut missingiut pillugu Namminersorlutik Oqartussat akuersissuteqarnissaat pillugu inatsisartut aalajangiiffigisassaattut siunnersuut (Illoqarfimmi illuliorfiusimasumi illuinnarsuutiniq eqqunngitsumik iginnerup pinerluutinngortinneqarnera, takunnissimasunik illersuinerup annertusinera, inip nakkutilliffiusup atorneranut piumasaqaatinik iluarsineq il.il.)

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Nunatsinni pinerluttulerinermi inatsisimmut allannguinnissaq pillugu Naalakkersuisut Inatsisartunut aalajangiiffigisassatut siunnersuusiaanut Siumumiit imaattumik oqaaseqassuqut.

Nunatsinni inatsisitigut illersugaanerup pitsaanerpaartaaffissaminiittuarnissaa Siumumiit anguniagaraarput. Taamaattumillu pinerluttaalisitsinissaq inuiaqatigiinni eqqissisimasumik ingerlariaaseqartilluta pinngitsoorneqarsinnaanngillunnarpoq. Pinerlunnerup pinnginnissaa anguniarlugu pitsaaliuineq annertusarneqartariaqarpoq, taamaaliorlutami pingerlunnerup pinngitsoortissinnaanera annertusarsinnaagatsigu.

Taamatuttaaq pinerluttulerineq pineqartillugu inatsisitigut sinaakkutit pitsaasuujarnissaat qulakkeersimajuartariaqarippit Siumumi isumaqarpugut. Taamaattumillu matumani Naalakkersuisut Inatsisartunut aalajangiiffigisassatut siunnersuutaannut aalajangigassanut arlaqartunut tamakkiisumik Siumumiit isumaqataanerput oqaatigissavarput. Aalajangiiffigisassat ilagaat pinerlunnermik takunnissimasut annertunerusumik illersugaalernissaat. Pinerlunnerup uppersarneqarsinnaaneranut takunnissimasut uppersaasuusarput ilisimannittuusarlutik, taamaattumillu toqqisisimanartumik ilisimannittuunerminnik nassuiaasinnaassappata illersugaanerat annertunerusariaqartoq Siumumiit isumaqarpugut.

Sumiluunniit pinerlulluni sakkulersorluni aallaasersorlunilu inunnik navianartorsiortitsinerit Siumup akuerinnngisaannarpai. Taamaattumik aallaasinik sakkunillu allanik inunnut uloriasitsinnginnissaq Siumup pingaartilluinnagaraa. Inuiaqatigiiuvugummi piniarnermik pingaartitsisut, taamaattumillu inoqutigiit aallaammik angerlarsimaffiminniitsitaqarsinnaatitaanerat illersortuarumavarput.

Siumumiit siunnersuut ilaleratsigu oqaatigissavarput, peqqissaartumillu suliap Inatsisinut ataatsimiitsitaliami suliarineqarnissaa inassutigaarput.

Anders Olsen
Siumut